

後
漢
紀

三

Z121.6
1
(5)

後漢紀目錄 并序

晉東陽太守袁宏譔

襄平

蔣國祚

同校

蔣國祚

光武一第一

光武二第二

光武三第三

光武四第四

光武五第五

光武六第六

光武七第七

光武八第八

孝明上第九

孝明下第十

孝章上第十一

孝章下第十二

孝和上第十三

孝和下第十四

孝殤第十五

孝安上第十六

孝安下第十七

孝順上第十八

孝順下第十九

孝質第二十
附 桓帝

孝桓上第二十一

孝桓下第二十二

孝靈上第二十三

孝靈中第二十四

孝靈下第二十五

孝獻一第二十六

孝獻二第二十七

孝獻三第二十八

孝獻四第二十九

孝獻五第三十

子嘗讀後漢書煩穢雜亂睡而不能竟也聊以暇日撰

集爲後漢紀其所綴會漢紀謝承書司馬彪書華嶠書
謝忱書漢山陽公記漢靈獻起居注漢名臣奏旁及諸
郡耆舊先賢傳凡數百卷前史闕略多不次敘錯繆同
異誰使正之經營八年疲而不能定頗有傳者始見張
璠所撰書其言漢末之事瑩詳故復探而益之夫史傳
之興所以通古今而篤名教也巨明之作廣大悉備史
遷剖判六家建立十書非徒記事而已信足扶明義教
網羅治禮然未盡之班固源流周贍近乎通人之作然
因藉史遷無所甄明荀悅才智經綸足爲嘉史所述當
世大得治功已矣然名教之本帝王高義韞而未敘今

因前代遺事畧舉義教所歸庶以弘敷王道前史之闕
古者方今不同其流亦異言行趨舍各以類書故觀其
名迹想見其人巨明所以斟酌抑揚寄其高懷末吏區
區注疏而已其所稱美止於事義疏外之意歿而不傳
其遺風餘趣蔑如也今之史書或非古之人心恐千載
之外所誣者多所以悵快躊躇操筆悵然者也

後漢光武皇帝紀卷第八

袁宏

二十二年春正月丙戌上幸長安祠園邑夏五月乙未晦日有蝕之六月伏波將軍馬援還京師是時梁松貴幸百僚憚之援嘗小病松來候見援獨拜牀下援安然受之松意不平諸子曰梁伯孫貴重將軍宜爲之禮援曰我乃其父友也雖貴何得失禮由是不爲權貴所愛援外坦薄而內備禮事寡嫂不衣冠不入閨其於人汎愛多容然見爵位而無實者笑曰刀不應齒士不聞耳何足畜乎有奇異於衆者雖在少賤必異待之援有籌策世祖曰伏波論兵常與吾合初援交趾還書戒其兄

子嚴敦曰吾欲汝曹聞人過失如聞父母之名耳可得聞口不可得言也如論議人長短是非此吾所大惡也豈死不願聞子孫有此行也汝曹知吾惡之甚矣所以復言欲汝曹不忘之爾龍伯高敦厚周慎口無擇言謙約節儉廉公有威吾重之愛之願汝曹效之杜季良豪俠好義憂人之急父喪致客數郡畢至吾愛之重之不願汝曹效之效龍伯高之正不就猶爲謹勅士所謂刻鵠不成尙類鶩者也效杜季良而不成陷爲天下輕薄子所謂畫虎不就反類狗者也迄今季良尙未可知郡將下車輒切齒州郡以爲言吾常爲之寒心是以不願

子孫效也季良名保爲越騎司馬保怨家上書言保所
在惑衆伏波將軍萬里還書以戒孤兄子今在京師與
梁松竇固等交上召責松松叩頭流血乃召問援因取
所與嚴敦書卽日免保官時龍伯高爲山都長擢爲零
陵太守秋九月地震詔南陽郡勿輸今年田租南陽繫
囚滅死罪一等是歲匈奴國中亂諸將皆言可繫者上
以問朗陵侯臧宮宮曰願得五千騎足以立功上笑曰
常勝之家難與慮敵吾方自思之遂不出師匈奴之族
由來尙矣其在殷周則有山戎獫狁之難逮于秦漢而
有匈奴疆弱之勢中國征之事詳矣王莽時欲分匈奴

匈奴大怒縱兵犯塞傷殺吏民莽乃盛兵以擊匈奴嚴
尤諫曰臣聞匈奴爲害所從來久矣周秦漢征之然皆
未有得上策者周得中策漢得下策秦無策也當周宣
王時獫狁內侵至于涇陽命征之盡境而還視戎狄之
侵譬猶蚊虻之蟲驅之而已故天下稱明是爲中策武
帝選將練兵深入遠戍雖有尅獲之功胡輒報之兵連
禍結三十餘年中國疲耗匈奴亦困而天下弊是爲下
策秦始皇不忍小恥而輕民力長城之固延袤萬里轉
輸之行起於負海疆境旣完中國內竭以喪社稷是爲
無策也莽不從匈奴遂叛北邊大擾世祖之初方憂中

國未遑外事也初匈奴右日逐王比單于知牙斯之長子也自呼韓邪單于死後夏令兄弟相傳知牙斯死傳弟臧咸臧咸死傳弟輿輿立欲傳其子然其弟知牙帥川次當爲單于者也皆以兄弟言之知牙帥當立以子言之我前單于長子也輿疑之輿死子焉鞬立鞬死弟滿奴立比遂失次怨恨而匈奴國中旱蝗連年草木皆盡人畜死者過半比乃遣人奉匈奴圖詣西河求和親盡牧南邊諸部呼衍日逐等叛匈奴匈奴遣萬餘騎擊比不勝呼衍日逐等共立比爲呼韓邪單于孝宣時其大父呼韓邪歸漢得成故襲其號於是有南北單于

二十三年春正月南郡蠻夷反武威將軍劉尙擊破之
置江夏郡三月南單于遣使稱藩願修舊約天子議於
公卿咸以爲蠻夷猾夏情僞難知不可許大司農耿國
以爲今天下初定尤宜受之令東撫烏桓北拒匈奴邊
陲永息干戈之役萬世之策也上善而從之使中郎將
段桺使匈奴於是單于拜伏受詔遣弟左賢王將兵擊
北單于速破之北單于震怖卻地千里單于旣稱臣人
居塞內上書遣子貢獻漢賜單于冠帶衣裳黃金龜璽
什物各有數單于乃分部諸帥以鄯北邊北單于惶恐
願還所略漢人數遣使詣武威求使者皇太子以爲南

單于新立今若遣使恐阻南單于意故但報其書不遣使者冬十二月武谿蠻夷反遣劉尙擊之尙軍沒驃騎大將軍杜茂鬲侯朱祐祝阿侯陳俊薨朱祐貴儒學論議常依古法爲將帥受降追奔逐北以破敵爲功不問斬首多少軍吏以不得鹵掠故或有怨者徙封鬲侯食邑七千餘戶自陳功薄而賞大顧受南陽五百戶足矣上不許初上學長安嘗過祐祐方講留上須講竟乃共讌語及上幸祐第語及平生上曰主人得無捨我講乎二十四年春正月乙亥大赦天下大司空杜林薨太僕張純爲大司空林字伯山右扶風茂陵人父業以文章

顯林少有俊才好學問沈深好古家既多書又外家張
竦父子善文章林從竦受書漸漬內外爲當世通儒王
莽敗盜賊並起林與弟成俱至河西隗囂聞林名故深
敬待之以爲治書後以病去竦欲超用之遂稱痼疾竦
心恨林曰杜伯山天子所不能臣諸侯所不能友蓋伯
夷叔齊恥食周粟也今且從師友之位以從其志焉林
雖困乏終爲不屈林嘗得漆書古文尙書一卷獨寶愛
之每遭困阨自以不能濟於衆也猶握抱此經獨歎息
曰古文之學將絕於此邪至建武初弟成死故林持喪
東歸歸旣遣林後悔令刺客楊賢於隴遮刺林賢見林

自推車載弟喪歎曰當今之世誰能行義者我雖小人
何忍殺義士亾去上聞林已還乃徵林拜侍御史引見
問經書故舊及西州事上甚悅賜車馬衣被歲餘遷司
馬直百僚知林以名德用甚敬憚之林既至京師與英
俊集會咸敬林之博雅洽聞河南鄭興東海衛宏等皆
長於古學從劉歆受左氏春秋定三統麻及見林皆推
服焉濟南徐兆始事衛宏後皆受林以前所得一卷
古文尙書示宏曰林危阨西州時常以爲此道將絕也
何意東海衛宏濟南徐生復得之邪是道不墜於地矣
二十五年春正月烏桓大人郝且等率衆貢獻封其渠

帥爲侯王烏桓者
保烏桓山因以爲
常處刻木爲信無
亂烏桓始盛鈔擊
空戊申晦日有食
年六十二矣上憫
臣尙能披鎧上馬
之冬十月伏波將
武谿援謂所親杜
也今得所甘心瞑

事殊難得調獨惡是爾南鄉侯鄧晨薨初晨爲常山汝南太守皆有名跡爲吏民所愛在汝南起鴻陂溉灌田數千頃百姓于今利之徵爲光祿大夫數與宴見陳說平生晨從容白上曰僕竟辦之上大笑晨疾病天子手書慰問中宮及寧平公主皆爲垂泣旣薨使謁者招新野主魂備官屬合葬于北邙山上與皇后親臨送葬賞賜甚厚諡曰惠侯

二十六年春正月增吏俸自三公至于佐吏各有差二月馬援至臨鄉大破蠻軍斬首千餘級蠻有二道一曰壺頭二曰充中壺頭徑近而多險充中遠而運糧難初

上與諸將議所先擊因以疑而未決軍云
耿舒上言先擊充中賊援以爲延日費糧
頭賊乘高守隘船不得進會夏暑熱吏士
亦病困穿岍爲室以避暑氣賊每乘高赴
觀之左右壯其意皆爲之流涕耿舒與口
言舒前上言擊充中賊糧雖難致兵馬但
爭欲奮擊今壺頭竟不得上又大軍疾疢
奏舒書上遣梁松驛責問援因代監軍叔
死松與馬武等毀惡援於上上大怒收援
是時軍士死者大半謁者朱均軍不得活